

KJKP „VODOVOD I KANALIZACIJA“ d.o.o. SARAJEVO
v.d. DIREKTOR
Izvod broj: KZ 96/20

Sarajevo, 29.04.2021. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 96/20 od 05.04.2021. godine, u postupku javne nabavke br. **KZ 96/20 „Servis vijčanih pumpi proizvođača Landustrie“** donosi se :

ODLUKA
o poništenju postupka javne nabavke

Član 1.

Poništava se postupak javne nabavke broj **KZ 96/20** za nabavku usluga : „**Servis vijčanih pumpi proizvođača Landustrie**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) Zakona o javnim nabavkama.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 96/20 od 15.10.2020. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost predmetne javne nabavke bez PDV-a iznosi: 40.000,00 KM.

Obavještenje o nabavci broj: 247-7-2-172-3-305/20 poslato je na objavljivanje na Portal javnih nabavki dana 19.10.2020. godine.

Komisija za javnu nabavku imenovana je Rješenjem br. 50/20 od 25.06.2020. godine i dopunskim Rješenjem za promjenljive članove komisije br. KZ 96/20-1 od 15.10.2020. godine.

Komisija za javnu nabavku dostavila je dana 21.04.2021.g. Preporuku o poništenju postupka javne nabavke roba, broj KZ 96/20 od 05.04.2021. godine i Zapisnik Komisije o pregledu i ocjeni ponuda, broj KZ 96/20 od 05.04.2021. godine, u postupku javne nabavke usluga: „Servis vijčanih pumpi proizvođača Landustrie“ - tender broj KZ 96/20.

U Zapisniku Komisije o pregledu i ocjeni ponuda, broj KZ 96/20 od 05.04.2021. godine, Komisija za javnu nabavku je konstatovala sljedeće :

Komisija konstatuje da je na osnovu Obavještenja o nabavci br. 247-7-2-172-3-305/20 od 19.10.2020. godine, proveden postupak javne nabavke putem konkurentskog zahtjeva za dostavu ponuda te je izvršeno javno otvaranje ponuda dana: 03.11.2020. godine u 13:20 sati, a što je konstatovano zapisnikom sa otvaranja ponuda br. KZ 96/20.

Za predmetnu javnu nabavku dostavljene su dvije (2) ponude ponuđača:

1. Ponuđač: „Vikler-Promet“ d.o.o. Sarajevo;
2. Ponuđač: „TDS“ d.o.o. Sarajevo

Navedeni ponuđači su preuzeli tendersku dokumentaciju sa Portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Nakon izvršenog otvaranja ponuda Komisija je dana: 04.11.2020. godine pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača „Vikler-Promet“ d.o.o. Sarajevo i „TDS“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači	
		„Vikler-Promet“ d.o.o. Sarajevo	„TDS“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačkica od a) do d) Zakona o javnim nabavkama – Aneks IV; Prilog 3.	DA	DA
2.	Tačka: 14.2. TD: Ponuđač je dužan u svrhu dokazivanja tehničke i profesionalne sposobnosti ispuniti sljedeće minimalne uslove: a) U skladu sa odredbama člana 50. pod b) ZJN, potrebno je da ponuđač ima na raspolaganju lica (za koja se ne zahtijeva da su zaposlena kod ponuđača) sa sljedećim obrazovnim kvalifikacijama, a koja su odgovorna za pružanje predmetnih usluga: - minimalno 2 diplomirana inženjera mašinstva proizvodnog smjera U svrhu dokazivanja gore navedenih uslova pod tačkom a) potrebno je dostaviti: - Ovjerenu kopiju diplome inženjera mašinstva proizvodnog smjera, koja nije starija od tri mjeseca dana ovjere (Sud, Opština ili notar) – minimalno 2 inženjera.	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerena od strane nadležnog organa – Sud, Opština ili notar (ili Rješenja o registraciji) ili ekvivalent odgovarajućeg dokumenta, koji nije stariji od šest mjeseci od dana izdavanja, a računajući od dana predaje ponude (Član 46. ZJN), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Komisija konstatuje da su ponuđači „Vikler-Promet“ d.o.o. Sarajevo i „TDS“ d.o.o. Sarajevo dostavili zahtijevanu dokumentaciju kako je navedeno u tabelarnom prikazu, te isti ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponuđači	
		„Vikler-Promet“ d.o.o. Sarajevo	„TDS“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA	DA
2.	Tačka: 16.TD pod 1: Obrazac za ponudu – Aneks II; Prilog 1.	DA	DA
2.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA
3.	Tačka: 20 TD: Obrazac za cijenu ponude – Aneks III; Prilog 2	DA	DA
4.	Tačka 31 i 36 TD: Nacrt okvirnog sporazuma – Prilog 6.	DA	DA
5.	Tačka: 31 i 37 TD: Nacrt ugovora o javnoj nabavci – Prilog 7.	DA	DA
6.	Tačka: 43 TD: Povjerljive informacije – Prilog 5.	DA	DA

Komisija konstatuje da su ponuđači „Vikler-Promet“ d.o.o. Sarajevo i „TDS“ d.o.o. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da su ponude ponuđača „Vikler-Promet“ d.o.o. Sarajevo i „TDS“ d.o.o. Sarajevo potpisane od strane podnosioca ponude i ovjerene pečatom ponuđača, te imaju broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „Vikler-Promet“ d.o.o. Sarajevo i „TDS“ d.o.o. Sarajevo konstatovano je da nema grešaka računске prirode.

Konstatovano je da je ponuđač „Vikler-Promet“ d.o.o. Sarajevo dostavio Potvrdu o primjeni preferencijalnog tretmana domaćeg dok ponuđač „TDS“ d.o.o. Sarajevo nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude slijedećih ponuđača:

R. Br.	Ponuđač	Početna cijena ponude u KM bez PDV-a
1.	„Vikler-Promet“ d.o.o. Sarajevo	40.000,00 KM*
2.	„TDS“ d.o.o. Sarajevo	39.850,00 KM

*Označava cijenu na koju se primjenjuje preferencijalni tretman

E-aukcija je u sistemu e-nabavke zakazana na dan 12.11.2020. godine u 11:00:00 sati.

Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 11:00:00 sati do 11:37:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

R. Br.	Ponuđač	Konačna cijena ponude u KM bez PDV-a
1.	„TDS“ d.o.o. Sarajevo	11.900,00 KM
2.	„Vikler-Promet“ d.o.o. Sarajevo	17.100,00 KM*

*Označava cijenu na koju se primjenjuje preferencijalni tretman

Za najpovoljniju ponudu ocijenjena je ponuda ponuđača „TDS“ d.o.o. Sarajevo, te je Komisija jednoglasno dala prijedlog Ugovornom organu da za nabavku usluga: „Servis vijčanih pumpi proizvođača Landustrie“ – tender broj KZ 96/20 donese Odluku o dodjeli ugovora ponuđaču: „TDS“ d.o.o. Sarajevo, broj ponude: 14/20 od 23.10.2020. godine, kao prvoplasiranom na rang listi, čija vrijednost ponude iznosi: 11.900,00 KM bez PDV-a.

Iz gore navedenih razloga, ugovorni organ je prihvatio preporuku komisije i primjenom odredbi člana 64. stav (1) tačka b) Zakona o javnim nabavkama („Službeni glasnik BiH“ br. 39/14), donesena je Odluka o izboru najpovoljnijeg ponuđača i ista je putem e-maila dana 04.01.2021. godine dostavljena svim ponuđačima u postupku.

Tačkom 13. tenderske dokumentacije je definisano da je izabrani ponuđač obavezan dostaviti kvalifikacionu dokumentaciju u roku od 5 dana od dana zaprimanja obavještenja o rezultatima postupka javne nabavke.

Nakon što je izabrani ponuđač „TDS“ d.o.o. Sarajevo dostavio dokumentaciju, od strane Komisije za javne nabavke je sačinjen Zapisnik o pregledu kvalifikacije dokumentacije u kome je konstatovano sljedeće:

Kvalifikaciona dokumentacija dostavljena dana 04.01.2021. godine, broj protokola ugovornog organa 293, te Komisija za javne nabavke konstatuje da je kvalifikaciona dokumentacija dostavljena u predviđenom roku.

Komisija konstatuje da je izabrani ponuđač „TDS“ d.o.o. Sarajevo dostavio sljedeću dokumentaciju:

- Uvjerenje Općinski Sud u Sarajevu broj: 65 0 Kr 015038 20 od 13.11.2020. god, ovjera nadležnog organa od 18.11.2020. godine;
- Uvjerenje Općinski Sud u Sarajevu broj: 065-0-R-20-002381 od 13.11.2020. god, ovjera nadležnog organa od 18.11.2020. godine;
- Uvjerenje Kantonalni Porezni ured Sarajevo broj: 13-9/5-12-5-4051-1/20 od 06.11.2020. god, ovjera nadležnog organa od 18.11.2020. godine;
- Uvjerenje Uprava za indirektno oporezivanje BiH broj: 02/6/II-16-11-20-6127-1/20 od 13.08.2020. god, ovjera nadležnog organa od 18.11.2020. godine.

Shodno dostavljenoj dokumentaciji, Komisija za javne nabavke konstatuje da izabrani ponuđač nije postupio u skladu sa tenderskom dokumentacijom iz sljedećih razloga:

Ponuđač „TDS“ d.o.o. Sarajevo je u predviđenom roku dostavio dokaze iz člana 45. ZJN osim Uvjerenja sa Suda BiH. Dokaze koje je ponuđač dostavio su sa mlađim datumom od dana dostavljanja ponude. Ponuda je dostavljena dana 03.11.2020. godine. Shodno navedenom konstatovano je da ponuđač „TDS“ d.o.o. Sarajevo nije postupio u skladu sa tačkom 13. TD, te da se sa istim ne može pristupiti zaključivanju ugovora.

Tačkom 13. tenderske dokumentacije je jasno i precizno navedeno sljedeće:

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

a) uvjerenje/izvod/potvrda iz kaznene evidencije nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

Ponuđači iz Bosne i Hercegovine su obavezni kumulativno dostaviti sljedeće dokumente:

- uvjerenje/izvod/potvrda iz kaznene evidencije Suda BiH kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini;

- uvjerenje/izvod/potvrda iz kaznene evidencije nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini.

Napomena:

Prema navedenom, ponuđač koji je registrovan u Bosni i Hercegovini je dužan da dostavi uvjerenje/izvod/potvrda izdato od strane Suda BiH i suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona.

Nije prihvatljivo uvjerenje/izvod/potvrda izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji uopšte nije nadležan prema sjedištu ponuđača.

b) uvjerenje/izvod/potvrda nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti u skladu sa važećim propisima u Bosni i Hercegovini ili zemlji u kojoj je registrovan;

c) uvjerenje/izvod/potvrda nadležne poreske uprave (ili nadležnih institucija ukoliko se radi o ponuđaču koji nije registrovan u Bosni i Hercegovini) kojim se potvrđuje da je ponuđač izmirio dospjele obaveze, a koje se odnose na doprinose za penziona i invalidsko osiguranje i zdravstveno osiguranje;

d) uvjerenje/izvod/potvrda nadležnih institucija da je ponuđač uredno izmirio dospjele obaveze u vezi s plaćanjem direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršava svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju potvrditi da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti na protokol ugovornog organa na adresi Terezija br. 38, a u roku od 5 dana od dana zaprimanja obavještenja o rezultatima ovog postupka javne nabavke.

Dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

S obzirom da izabrani ponuđač „TDS“ d.o.o. Sarajevo nije postupio u skladu sa tačkom 13. tenderske dokumentacije u pogledu dokazivanja lične sposobnosti, ugovorni organ ne može sa istim pristupiti zaključivanju ugovora iz predmetne nabavke. Ponuda ponuđača „TDS“ d.o.o. Sarajevo se odbacuje kao neprihvatljiva, a sve u skladu sa članom 68. stav (4), tačka i) ZJN.

Primjenom odredbi člana 72. stav (3) tačka a) Zakona o javnim nabavkama („Službeni glasnik BiH“ br. 39/14), donesena je Odluka o izboru drugorangiranog ponuđača od 17.03.2021. godine.

Drugorangirani ponuđač „Vikler-Promet“ d.o.o. Sarajevo je bio obavezan dostaviti kvalifikacionu dokumentaciju u roku od 5 dana od dana zaprimanja obavještenja o rezultatu postupka javne nabavke.

Komisija je konstatovala da ponuđač „Vikler-Promet“ d.o.o. Sarajevo nije dostavio dokumente u svrhu dokazivanja uslova iz čl. 45 ZJN, a što je isti bio obavezan dostaviti u skladu sa zahtjevima iz tačke 13. tenderske dokumentacije, te se ponuda navedenog ponuđača odbacuje kao neprihvatljiva, a sve u skladu sa članom 68. stav (1) ZJN.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku usluga: „**Servis vijčanih pumpi proizvođača Landustrie**“ – tender broj KZ 96/20 donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-ponuđačima
- a/a



v.d. Direktor

Aida Pendek, dipl. ing. građ.